



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԱՌՈՂՋԱԴԱՆՈՒԹՅԱՆ ՆԱԽԱՐԱՐՈՒԹՅՈՒՆ
ՆԱԽԱՐԱՐԻ ՏԵՂԱԿԱԼ

_____ N _____
Ձեր N _____

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՖԻՆԱՆՍՆԵՐԻ ՆԱԽԱՐԱՐԻ ՏԵՂԱԿԱԼ
ՊԱՐՈՆ Ա. ՀԱՅՐԱՊԵՏՅԱՆԻՆ

Հարգելի պարոն Հայրապետյան

Կից՝ Ձեզ եմ ներկայացնում «Հայաստանի Հանրապետության և Եվրասիական զարգացման բանկի միջև «Առողջապահության առաջնային օղակում ոչ վարակիչ հիվանդությունների կանխարգելման և վերահսկողության կատարելագործում» ծրագրի ֆինանսավորման համար Կայունացման և զարգացման եվրասիական հիմնադրամի միջոցներից դրամաշնորհի տրամադրման մասին» համաձայնագրում (այսուհետ՝ Համաձայնագիր) փոփոխություն կատարելու և Համաձայնագրում ներկայացված 3 ֆինանսական կատեգորիաները 1 կատեգորիայում միավորելու նպատակով Լրացուցիչ համաձայնագրի հաստատման կամ վավերացման նպատակահարմարության վերաբերյալ հիմնավորում:

ՀԱՐԳԱՆՔՈՎ՝

ԳԵՎՈՐԳ ՍԻՄՈՆՅԱՆ

Կատարող՝ Մարիա Աղաջանովա
ՀՀ ԱՆ ԱԾԻԳ ՊՀ
Հեռ.՝ 010 29-75-36

ՀԻՄՆԱՎՈՐՈՒՄ

Կայունացման և Զարգացման եվրասիական հիմնադրամի միջոցներից
ֆինանսավորվող «Առողջապահության առաջնային օղակում ոչ վարակիչ
հիվանդությունների կանխարգելման և վերահսկման կատարելագործում»

2018 թվականի ապրիլի 3-ի դրամաշնորհային համաձայնագրին կից թիվ 2

լրացուցիչ համաձայնագրի

Առողջապահության նախարարությունը ներկայում իրականացնում է Կայունացման և Զարգացման եվրասիական հիմնադրամի միջոցներից ֆինանսավորվող «Առողջապահության առաջնային օղակում ոչ վարակիչ հիվանդությունների կանխարգելման և վերահսկման կատարելագործում» դրամաշնորհային ծրագիրը (այսուհետ՝ Դրամաշնորհային ծրագիր): Հայաստանի Հանրապետությունում ոչ վարակիչ հիվանդությունների՝ մասնավորապես կրծքագեղձի քաղցկեղի կանխարգելմանն ուղղված 1 մլն ԱՄՆ դոլար արժողությամբ Դրամաշնորհային ծրագրի Համաձայնագիրը ստորագրվել է 03.04.2018թ. և ուժի մեջ է մտել 21.09.2018թ.:

Ծրագրի շրջանակներում նախատեսվում է ՀՀ սահմանամերձ 3 մարզերում՝ Լոռու, Տավուշում և Սյունիքում իրականացնել կրծքագեղձի մամոգրաֆիկ սքրինինգային հետազոտություններ կանանց 50-69 տարիքային խմբում՝ ապահովելով առնվազն 50% ընդգրկվածություն:

Ներկա պահին, սքրինինգային ծրագրերի իրականացման նպատակով, արդեն իսկ գնվել և մատակարարվել է շարժական մամոգրաֆիայի սարքավորումը: Ծրագրում ընդգրկված ազգաբնակչությանը ծրագրի վերաբերյալ հնարավորինս տեղեկացնելու նպատակով իրականացվում են հանրային իրազեկման քարոզարշավի մի շարք նախապատրաստական աշխատանքներ: Մեկնարկել են ծրագրում ընդգրկված բժշկական անձնակազմի վերապատրաստման աշխատանքները, նախապես մշակված հետազոտությունների վարման ընթացակարգերի և գործառնական ձեռնարկների հիման վրա:

Հայտնում եմ, որ սքրինինգային հետազոտությունները կարող են մեկնարկել, այնուամենայնիվ, կապված երկրում հայտարարված ռազմական դրությունը, դրանք հետաձգվել են:

Հաշվի առնելով ծրագրի իրագործման սեղմ ժամկետներն ու առաջնորդվելով դրամաշնորհային գումարների ծախսման արդյունավետության սկզբունքով, Առողջապահության նախարարությունը դիմել է Դրամաշնորհային Համաձայնագրով նախատեսված 3 ծախսային կատեգորիաները 1 կատեգորիայում միավորելու առաջարկով:

Նշվածի հիմքում ընկած է հետևյալը. փորձը ցույց է տալիս, որ յուրաքանչյուր անցկացված մրցույթից հետո անհրաժեշտություն է առաջանում իրականացնել տնտեսված կամ անհրաժեշտ գումարների վերաբաշխում մեկ ծախսային կատեգորիայից մյուսը: Սակայն նշված տեսակի փոփոխությունները անխուսափելիորեն առաջացնում են Դրամաշնորհային Համաձայնագրի փոփոխության անհրաժեշտություն, ինչը, որպես կանոն, կարող է տևել նվազագույնը 3-6 ամիս: Տվյալ դեպքում առկա է մեծ ռիսկ, որ վերաբաշխումների իրականացման ներկայում կիրառվող գործընթացը հնարավորություն չի տա մինչև ծրագրով նախատեսված դրամական միջոցների հասանելիության ավարտն ամբողջությամբ ծախսել դրանք: Այսպիսով, նշված առաջարկն առավել ճկուն կդարձնի ծրագրի իրագործման և կառավարման մեխանիզմները, հնարավորություն տալով հասնել առավելագույն արդյունքի:

Կատեգորիաների միավորման կապակցությամբ կմշակվի և կներդրվի վերաբաշխումների իրականացման, Դրամաշնորհատուի հետ համաձայնեցման և հաշվետվողականության խիստ մեխանիզմ, որը հնարավորություն կընձեռնի ի սկզբանե գնահատել առաջարկվող վերաբաշխման նպատակահարմարությունն, իսկ, այնուհետև նաև, վերահսկել միջոցների ծախսման ուղղությունները:

Դրամաշնորհային Համաձայնագրում առաջարկվող փոփոխությունը հնարավորություն կտա հասնելու առավելագույն արդյունավետության ծրագրի իրագործման տեսանկյունից՝ նպաստելով ծրագրով նախատեսված ֆինանսական միջոցների հնարավորինս նպատակային ծախսմանը: